



## მემორანდუმი

### ურთიერთანამშრომლობის შესახებ

სსიპ სურსათის ეროვნულ სააგენტოს და სსიპ სამცხე-ჯავახეთის სახელმწიფო უნივერსიტეტის შორის  
ქ.თბილისი

22.05. 2019 წელი

ერთის მხრივ, სსიპ სურსათის ეროვნული სააგენტო ("შემდგომში "სააგენტო") წარმოდგენილი სააგენტოს უფროსის ზურაბ ჩეკურაშვილის სახით და მეორეს მხრივ სსიპ სამცხე-ჯავახეთის სახელმწიფო უნივერსიტეტი, წარმოდგენილი მისი რექტორის მაკა ბერიძის სახით (შემდგომში - უნივერსიტეტი) ერთობლივად წოდებულნი როგორც მხარეები, ხელმძღვანელობენ რა საქართველოს კანონმდებლობისა და წინამდებარე მემორანდუმის შესაბამისად, შრომის ბაზრისა და განათლების სისტემის ურთიერთვავშირის ხელშეწყობის, პროფესიული განათლების განვითარების, ორმხრივი ურთიერთობებისა და საერთო ინტერესების გათვალისწინებით, მხარეებმა მიიღეს გადაწყვეტილება ხელი მოაწერონ აღნიშნულ ურთიერთანამშრომლობის მემორანდუმს.

#### მუხლი 1. მიზანი და საგანი

1.1 მემორანდუმის საგანს წარმოადგენს მხარეთა თანამშრომლობა, კერძოდ, უნივერსიტეტის მიერ წარმოდგენილი ვეტერინარიის ინტეგრირებული სამაგისტრო საგანმანათლებლო პროგრამით განსაზღვრული სტუდენტების მიერ, სააგენტოში პრაქტიკული კომპონენტის გავლას საქართველოს კანონმდებლობის შესაბამისად, რომელიც მიზნად ისახავს პრაქტიკული ცოდნისა და გამოცდილების მიღებას, რაც ხელს შეუწყობს მათი კვალიფიკაციის ამაღლებას;

1.2 მხარეები თანხმდებიან, რომ ითანამშრომლებენ:

- ა) სურსათის უვნებლობის, ვეტერინარიის და მცენარეთა დაცვის სფეროში საგანმანათლებლო პროგრამების განვითარების ხელშეწყობის მიზნით;
- ბ) უნივერსიტეტის ვეტერინარიის ინტეგრირებული საგანმანათლებლო პროგრამის სტუდენტებს საშუალება მიეცემათ მემორანდუმის ფარგლებში შესაბამისი სპეციალისტების დახმარებით და სააგენტოს მატერიალურ-ტექნიკური ბაზის გამოყენებით პრაქტიკულად აითვისონ სპეციალობის პრაქტიკული კომპონენტი;

## **მუხლი 2. მხარეთა შეთანხმება**

2.1 მხარეები უზრუნველყოფენ, შესაძლებლობის ფარგლებში, ერთობლივი კონფერენციების, სემინარების, ტრენინგებისა და სამუშაო შეხვედრების ორგანიზებას, ჩატარებას, პუბლიკაციების მომზადებასა და გამოცემას. სურსათის უვნებლობის, ვეტერინარიისა და მცენარეთა დაცვის მიმართულებით აქტუალურ საკითხებზე სტატიების მომზადებას და გამოქვეყნებას;

2.2 მხარეები, შესაძლებლობის ფარგლებში, მონაწილეობას მიიღებენ ერთობლივ სამეცნიერო-კვლევითი პროექტების დაგეგმვასა და განხორციელებაში, საგანმანათლებლო პროგრამების შემუშავებასა და განხორციელებაში;

2.3 მხარეთა ურთიერთშეთანხმებით უნივერსიტეტი წარუდგენს სააგენტოს მაღალი აკადემიური მოსწრების სტუდენტებსა და მაღალკვალიფიციურ კადრებს სააგენტოში პრაქტიკის გასავლელად;

2.4 სააგენტო, შესაძლებლობის ფარგლებში, უზრუნველყოფს უნივერსიტეტის სტუდენტების პრაქტიკას სააგენტოს ბაზაზე და მათ ჩართვას სურსათის უვნებლობის, ვეტერინარიისა და მცენარეთა დაცვის ღონისძიებებში;

2.5 წინამდებარე მემორანდუმით და საქართველოს კანონმდებლობით დადგენილი წესით, უნივერსიტეტი უზრუნველყოფს აკადემიური პერსონალისა და სტუდენტების ჩართულობას ურთიერთანამშრომლობის შედეგად დაგეგმილ ღონისძიებებში.

2.6. მემორანდუმის ფარგლებში უნივერსიტეტის მიერ წარმოდგენილი შესაბამისი პროფილის სტუდენტები პრაქტიკულ სწავლებას გაივლიან სამცხე-ჯავახეთის რეგიონულ სურსათის ეროვნულ სააგენტოში.

## **მუხლი 3. მოქმედების ვადა**

3.1 წინამდებარე მემორანდუმი ძალაში შედის ორივე მხარის ხელმოწერის შემდგომ და ძალაშია 5 წლის ვადით;

3.2 წინამდებარე მემორანდუმის მოქმედების ვადა ითვლება ავტომატურად გაგრძელებულად, თუ ერთ-ერთი მხარე არ მოითხოვს მემორანდუმის მოქმედების შეწყვეტას წერილობითი ფორმით, ვადის გასვლამდე არაუგვიანეს 1 თვისა;

3.3 მემორანდუმის შეწყვეტის საფუძვლებია:

- ა) მემორანდუმის მოქმედების ვადის გასვლა;
- ბ) მემორანდუმის ცალმხრივად შეწყვეტა;
- გ) საქართველოს კანონმდებლობით გათვალისწინებული სხვა საფუძვლები.

3.4 ცალმხრივად, წინამდებარე მემორანდუმის ვადაზე ადრე შეწყვეტა, დასაშვებია მეორე მხარისთვის მინიმუმ 1 თვით ადრე წერილობითი ფორმით ინფორმირების შემთხვევაში.

#### მუხლი 4. მარეგულირებელი კანონმდებლობა და დავების გადაწყვეტა

4.1 წინამდებარე მემორანდუმი რეგულირდება და განიმარტება საქართველოს კანონმდებლობის შესაბამისად;

4.2 წინამდებარე მემორანდუმის შესრულებასა და განმარტებასთან დაკავშირებული სადავო საკითხები გადაიჭრება კონსულტაციებისა და მოლაპარაკებების გზით;

4.3 მემორანდუმის დებულებათა შესრულება დამოკიდებულია მხარეთა კეთილ ნებაზე და იგი არც ერთი მხარისათვის არ წარმოადგენს ფინანსურ ან სხვა სახის ვალდებულებას.

#### 5. სხვა დებულებანი

5.1 მემორანდუმში მხარეთა ორმხრივი შეთანხმების საფუძველზე შეიძლება შეტანილ იქნას ცვლილებები და დამატებები.

5.2 წინამდებარე მემორანდუმის რომელიმე დებულების ბათილობა არ იწვევს მთლიანად მემორანდუმის ბათილობას.

5.3 წინამდებარე მემორანდუმი შედგენილია ქართულ ენაზე თანაბარი იურიდიული ძალის მქონე 2 ეგზემპლარად და ინახება მხარეებთან.

#### 6. მხარეთა რეკვიზიტები

<p>სსიპ სურსათის ეროვნული სააგენტო საიდენტიფიკაციო კოდი: მისამართი: მარშალ გელოვანის #6 სააგენტოს უფროსი: ზურაბ ჩიკვურაშვილი</p>  	<p>სსიპ სამცხე-ჯავახეთის სახელმწიფო უნივერსიტეტი. საიდენტიფიკაციო კოდი: 424066977 მისამართი: ახალციხე, რუსთაველის 113</p> <p>რექტორი, ასოცირებული პროფესიონალი:</p> <p>მაკა ბერიძე</p>  
--	---